

Pa Nada!

Awe Minister di Relashonnan di Reino, mr. Thom de Graaf, ta na Boneiru, komienso di su bishita di trabou na Antia. E bishita tin komo meta pa “fortifiká ainda mas e lasonan entre paisnan den Reino”. Bunita!

Ma nos tin ku kòrda ku esaki ta e mesun Thom de Graaf ku poko siman pasá a laga sa ku e ta bai urgí gobièrnunan di Antia i Aruba pa rekonosé “matrimonionan homoseksual” ku a ser kontraé na Hulanda. Maske gran mayoria di nos gobernantenan tin ningun klase di interes pa rekonosé “homohuwelijken”, nan wowo mester keda hanchu habrí!

E dos palabra “matrimonio homoseksual” ta kontradisí otro, meskos ku “seku muhá” òf “pretu blanku” ta kontradikshon di terminologia. E palabra “**matrimonio**” ta referí solamente na un relashon heteroseksual. Igualmente e palabra “homoseksual” sigur no ta nifiká ún hòMBER i ún muhé.

Kualke hende ku dos plaka di sintí por ripará ku ta estupides total pa aseptá un areglo sosial tan desastroso. **Legalisando homoseksualidat ta aseptando un sistema di bida sumamente peligroso.** Charles Colson a trese diferente motibu dilanti.

Aktonan homoseksual riba nan mes ta insaludabel. Esei kombiná ku e echu ku kondukta moral parotin ta komún entre homoseksualnan, ta forma un reseta pa un kalamidat médiko. Ta un echu bon dokumentá ku e porsentahe di homoseksualnan infektá ku AIDS ta muchu mas haltu ku e poblashon heteroseksual. I otro enfermedat transmití seksualmente ta desfrenado entre homoseksualnan. Segun *International Journal of Epidemiology*, en general **un homoseksual maskulino ta biba binti aña menos ku un hòMBER heteroseksual.** Anto esei ta loke de Graaf ke imponé riba nos?

Algun hende ta kere ku permitiendo homoseksualnan pa “kasa” lo redusí enfermedat pasobra e homoseksual lo tin un partner so. Nan ta malamente kiboká! Estudionan di “parehanan” homoseksual—asta esnan ku supuestamente ta fiel na otro—ta revelá ku mayoria di nan ta “kòrta orea” di otro. Un estudio a deskubrí ku solamente shete di e 156 pareha entrevistá tabata fiel na otro...4,5 porshento!

I “matrimonio” homoseksual ta un desaster for di un otro ángulo. Un estudio hasí resien na Hulanda—e lider e fenómeno aki—a haña **ku pa averahe un “matrimonio” homoseksual ta dura solamente ún aña i mei...1½ aña so so!** Esei ta loke Hulanda ke obligá nos pa aseptá!

Ta probá tambe ku tin mas uso di droga, mas alkohòlismo, mas violencia doméstiko entre homoseksualnan. Aktivistanan homoseksual, David Island i Patrick Letellier, asta a skirbi, “E probabilidad di violencia entre parehanan homoseksual kompará ku...parehanan heteroseksual ta matemátikamente dòbel.”

Gobernantenan t’ei pa promové e bienestar di nan pais. Si gobernantenan hulandes ke sentensia nan hendenan pa aseptá un sistema di bida desastroso, esei no ke men ku nan mester por obligá nos pa stòp di “promové e bienestar di nos pais”.

Nos Kreador tabata sa bon kiko E ta hasi ora El a krea matrimonio komo 1 hòMBER i 1 muhé. Aseptando un otro “opshon” ta un ofensa grandi p’E. Dios a mostra Su rabia bon kla kontra e piká aki ora El a destruí e suidatnan di Sodoma i Gomora (Génesis 19). Ningun sivilisashon ku ta subi e karetera aki a sobreviví! Kon nos por spera e bendishon di Dios si nos ta permití Hulanda obligá nos pa aseptá su bagamunderia?

Matrimonio (heteroseksual) ta algu muchu sagrado pa nos aseptá otro alternativa...apesar di e preshon e hulandesnan! Riba e punto aki, nos tur mester para duru i laga Hulanda sa bon kla—mr. Thom de Graaf en partikular—ku **matrimonio (1 hòMBER i 1 muhé) ta un balor ku nos lo no bandoná pa nada!**